



**Inissiani attartortakkani
ineqarnermut
tapiissutit pillugit
Inatsisartut
inatsisaannut ilitsersuut**

Decembari 2017

**Ilaqutariinnermut Naligiissitaanermut Isumaginninnermut Inatsiseqarnermullu
Naalakkersuisoqarfik**

Imai

1. Inatsisitigut tunngavik	3
2. Qinnuteqaat	3
3. Qinnuteqaatip suliarineqarnera	9
4. Inoqutigiit maannakkut isertitaanni allanngortoqarnera	12
5. Akiliinernik nakkutilliineq	13
6. Ineqarnermut tapiissutit atorunnaarnerat	13
7. Utertitsilluni akiliineq	14
8. Ukioq ineqarnermut tapiiffiusoq	16
9. Naammagittaalliuuteqarneq aamma sulianik suliarinninnermi inatsisitigut maleruagassat	16

1. Inatsisitigut tunngavik

Ineqarnermut tapiissutinik tunniussisarnermut inatsisitigut tunngaviusut tassaapput inissiani attartortittakkani ineqarnermut tapiissutit pillugit Inatsisartut inatsisaat nr. 23 7. december 2015-imeersoq kingusinnerusukkut allannguutilik, kiisalu inunnik isumaginninnermi pisortatigut ikiorsiissutit pillugit Nalunaarutit qaqugumulluunniit atuuttut.

Inatsisartut inatsisaat ulloq 1. januar 2016-imi atuutilerpoq.

2. Qinnuteqaat

Inissiani attartortittakkani ineqarnermut tapiissutit pillugit qinnuteqaat qinnuteqarnermi immersugassap immersorneratigut pissaaq. Qinnuteqaat kommunimit tiguneqarlunilu suliarineqassaaq. Qinnuteqaat nammineq kiisalu elektronikkikkut www.sullisivik.gl imi (nemID pisariaqarpoq) tunniunneqarsinnaavoq.

Qinnuteqarnermi immersugassaq www.sullisivik.gl imi aaneqarsinnaavoq.

Inissiamut allamut nuunnermi qinnuteqaat nutaaq tunniunneqassaaq, tak. § 14, imm. 2.

2.1. Aalajangiinermi atugassat paasissutissat

Aalajangiinermi atugassanik paasissutissanik tunniussinissaq pillugu piumasaaqatip § 10 malippaa.

Qinnuteqarnermi immersugassiami paasissutissanik qinnuteqartoq tunniussissaaq. Qinnuteqarnermi immersugaq kommunimit tiguneqassaaq, tassunga ilanngunneqarlutik attartornermi isumaqatigiissut, isertitanut tunngasut pillugit paasissutissat, ilaqutariit katitigaanerat aamma inissiaq aamma taassuma aaqqissugaanera pillugu paasissutissat. Suliaq suliarinerani paasissutissat kommunimit pigineqartunut assersuunneqassapput.

§ 6-imit takuneqarsinnaavoq ineqarnermut tapiissutinik qinnuteqartup pisinnaatitaaffeqarneranik naliliinermut naatsorsuinerimullu pingaaruteqarsinnaasunik paasissutissanik saqqummiussaqaarnissamut qinnuteqartoq pisussaaffeqarpoq.

Tamatuma kingunerisaanik aningaasaqarnermi inuttullu pissutsini allanngortoqarnera pillugu qinnuteqartoq paasissutissiinissamut pisussaaffeqarpoq, assersuutigalugu aappariilerneq imaluunniit aappariikkunnaarneq, inooqateqalerneq imaluunniit isertitani pissutsit allanngornerat.

2.2. Inoqutigiit pillugit paasissutissat

2.2.1. Najugaqarfik pillugu paasissutissat

Inoqutigiit katitigaaneri pillugit paasissutissat kommunimi inuit nalunaarsorsimaffianni pissarsiarineqassapput. Malugeqquneqarpoq inuit nalunaarsorsimaffianni aamma inoqutigiit katitigaaneranni paasissutissat akornanni nikingasoqarsinnaammat.

Inissiami aalajangersimasumik **najugaqartut** tamarmik inoqutigiinnut ilaasutut isigineqarput. **Aalajangersimasumik najugaqarneq** paasineqarpoq tassaasoq sumiiffik (inissiaq) aalajangersimasumik siniffigineqartartoq, feeriarneq, niuerluni angalaneq,

napparsimaneq assigisaaluunniit pissutigalugit najuutinngikkaanni, aamma pigisai tassaniillutik.

"Aalajangersimasumik najugaqarneq" pillugu taaguutip assigilluinnarpaa inuit nalunaarsugaaneri pillugit Qitiusumik Inunnik Nalunaarsuiffik pillugu inatsisip Kalaallit Nunaannut atulersinnera pillugu Peqqussut nr. 1198, 29. november 2006-imeersumi (CPR pillugu inatsit) § 6-imi atorneqartoq taaguut. Najugaqarneq pillugu taaguutip nassuiarnerani taamaattumik inuit nalunaarsorsimaffiannut atasumi taaguummi nassuiaat atorneqartoq eqqarsaatigineqassaaq.

Inoqutigijinni inuit amerlassusaat nalunaarsorneqassaaq.

2.2.2. Inuit nalunaarsimaffianni allassimasutut najugaqartutut inuit nalunaarsimasut, kisiannili aalajangersimasumik najugaqarnatik

Inuit, inuit nalunaarsimaffianni allassimasutut najugaqartutut nalunaarsorsimasut, piviusumilli najukkami najugaqarlutik aalajangersimasumik najugaqanngitsut, ineqarnermut tapiissutit naatsorsorneranni ilanngullugit naatsorsorneqassanngillat.

Tassani pineqarsinnaapput najukkami siusinnerusukkut najugaqarsimasut, najugaqarnertik pillugu inuit allattorsimaffianni iluarsisimangitsut, imaluunniit siusinnerusukkut inooqatigisimasat inissiamiit nuussimasut.

Inuit taakku piviusumik inissiami aalajangersimasumik najugaqanngillat, aamma inuit nalunaarsorsimaffinni allassimasutut aalajangersimasumik najugaqarnissaq pillugu piumasaqaatinik naammassinninngitsut, tak. CPR pillugu inatsimmi oqaasertaliussat.

Ataavartumik nuussimaneq **pineqartilugu** aalajangersimasumik najugaqarneq pillugu piumasaqaat naammassineqarunnaassaaq.

2.2.3. Meeqqat inuusuttullu

Inissiami meeqqat amerlassusaat nalunaarsorneqassaaq.

Meeraq inersimasunut atorneqartut maleruagassat assigalugit aallaaviatigut nalunaarsorneqassaaq, tassa imaappoq meeqqap nalinginnaasumik siniffigisartagaani najugaqarfigisaanilu pigisaasalu sumiiffiini, tak. CPR pillugu inatsimmi § 6.

Angerlarsimaffimmi najugaqartut meeqqat qaammatip 18-inik ukioqalerfiata naanera tikillugu ilanngullugit naatsorsorneqassapput, tak. § 5, imm. 3.

Inuusuttoq angerlarsimaffimmi najugaqartoq 18-inik ukioqalerpat tamatuma kingunerisaanik ineqarnermut tapiissutit naleqqussarneqarsinnaapput.

2.2.4. Meeqqat inuusuttullu aappaqartut angerlarsimaffimmi najugaqartut

Meeraq inuusuttorluunniit nammineq isertitaqarpat inuusuttup isertitai inoqutigiit tamarmiusumik isertitaannut ilanngullugit naatsorsorneqassapput. Inoqutigiit tamarmiusumik maannakkut isertitaat ineqarnermut tapiissutip naatsorsorneranut tunngavittut ilaassapput, tak. § 5, imm. 1.

Aamma taamaappoq inuusuttup aapparissaa, inooqataa imaluunniit nalunaarsugaasumik aapparissaa inoqutigiinni aamma aalajangersimasumik najugaqarpat, aamma isertitaqarpat.

2.3. Inissiaq aamma ineqarnermut akiliut pillugit paasisutissat

Attartornermut isumaqatigiissutip assilinerattartugaqarnermut, inissiami init amerlassusaannut kiisalu ineqarnermut akiliutip annertussusaanut uppersaaitut piumasarineqarput. Attartornermut isumaqatigiissut isumaqatigiissutigineqarmalli ineqarnermut akiliummi allanngortoqarsimappat ineqarnermut akiliutip allanngornera pillugu uppersaateqarnissaq piumasarineqarpoq.

Attartorneq allaganngorlugu isumaqatigiissutaasimassaaq. 2002-mi januaarip aallaqqaataaniit pisortani namminersortunilu attartornerit Naalakkersuisunit akuerineqarsimasuni immersukkani naqinneqarsimasuni isumaqatigiissutigineqarsimassaaq.

Ineqarnermut akiliut tamanna pillugu inissiani attartorneq pillugu Inatsisartut peqqussutaanni nr. 2, 12. maj 2005-imeersumi kingusinnerusukkut allannguuteqartumi aalajangersakkat naapertorlugit naatsorsorneqarsimassaaq.

§ 4, imm. 1 naapertorlugu. Ineqarnermut akiliutivik aamma atuinerminingaasartuutit erseqqissarneqarsimassapput, tassa ineqarnermut akiliutivimmuutaamaallaat ineqarnermut tapiissuteqartoqarsinnaammat. Imermut, innaallagissamut, kiassarnermut il.il. ineqarnermut tapiissuteqartoqarsinnaanngilaq. Tassani § 4, imm. 2 malinneqarpoq.

Inissiani attartortittakkani attartortitsisumut akiliummut inissiaq kiisalu atuinermut akiliutit ilaappata aamma atuinerminingaasartuutit immikkut immikkoortiterneqarsimanatik, atuinerminingaasartuutit missiliorneqartariaqarput. Missiliuineq assersuutigalugu inissiap tamarmiusumik angissusaa tunngavigalugu atuinermut attartortitsisup tamakkiisumik aningaasartuutaani naleqqiussilluni agguaneq tunngavigalugu pissaq.

Pisortani namminersortunilu inissiani attartortittakkani ineqarnermut akiliutissap naatsorsorneqarnera inissianik attartorneq pillugu Inatsisartut peqqussutaanni nr. 2, 12. maj 2005-imeersumi kingusinnerusukkut allanngortinneqartumi § 28 aamma § 33-mi aalajangersarneqarpoq.

Inissiami init najugarineqartut amerlassusaat nalunaarsorneqassapput.

§ 3, imm. 1 naapertorlugu. Inissiami init najorneqartut amerlassusaat inoqutigiinni inuit amerlassusaat inimik ataatsimit amerlanerussanngillat.

Inissiaq akuerisaasumit angineruppat, attartortoq kommunimi immikkut akuerineqarnissaq pillugu qinnuteqarsinnaavoq. Immikkut akuerineqarneq akuerineqarsinnaavoq taamaattoqarnissaanut immikkut pissutsit atuuppata, assersuutigalugu inoqutigiinnut meerartai angerlarsimaffiup avataanut inissinneqarsimasut, meeqqat ineerai angerlartinneqarnissaannut allanngortinnginnissaat naatsorsuutigineqarpata.

§ 3, imm. 2 naapertorlugu aammattaaq immikkut pissutsit allat pissutigalugit immikkut akuersisoqarsinnaavoq. Immikkut akuersisoqassanersoq pisuni ataasiakkaani kommunip naliliineranik tunngaveqassaaq.

2.3.1 Ilungersunartumik inuttut pisoqartillugu, (aapparisaq toqukkut qimagunnerani imlt. assingusumik inuttut pisoqartillugu)

Januaarip aallaqqaataani 2018 -imit atuutilersumik inatsimmi §3, stk. 1 naapertorlugu pineqartumut immikkut ittoq ivertinneqarpoq. Immikkut ittoq isumaqarpoq inoqutigiit inuttut ilungersunartumik eqqugaasut, ass., aapparisaq toqukkut qimagunnera assigisaanilluunnit pisoqarpat, inatsimmi §3, stk. 1 naapertorlugu pineqartumut atuutsinneqassanngilaq, tassani aalajangersarneqarmat najugaqarfimmi init ima amerlatigilissanngitsut inoqutigiinnit najugartunit amerlanerussanngitsut taamaallaat ataatsimik amerlanerussaallutik.

Aalajangersagaq nutaaq immikkut ittumi § 3, stk. 2 -mi erserpoq, aappaasoq qimagaasoq aappaasorluunniit inuttut pisoqarneranik sulii piumasarippagu ineqarnermut tapiiffigineqarnissaq, naak najugaqarfimmi init toqusoqarnerata kingorna najugaqartunit ataatsimik amerlanerunik amerlanerulersimagaluartut. Taamatulli aamma atuuppoq, inuttut pisoqarpat, inoqutigiinni najugallit ikilippata.

Inuttut pisoqarnera, makkuusinnaapput:

1. toqusoqarpat,
2. avinneq,
3. uiusoq, nuliaq imaluunniit aapparisaq utoqqaat illuanut nuuppat,
4. meeraq illoqarfimmut allamut ilinniariartorluni nuuppat,
5. meeraq innarluutilik angerlarsimaffiup avataanut inissinneqarpat, aamma
6. allat pisunut assingussut.

Inatsisip attartortoq qaammatini arfinilinni sulii ineqarnermut tapiiffigineqarnissaanik pisinnaatippaa.

Qaammatini arfinilinni piffissaliussa qullulernerqassaaq uigisap, nularisap, aapparisaalluunniit ulloq taanna toqukkut qimagunnera aallarnerfigalugu imaluunniit inuttut pisoqartillugu atuutilerfianiit.

§ 3, stk. 4 naapertorlugu. Ineqarnermut tapiissutinik pisartagalik qaammatini arfinilinni uppersaasannaappat, najugaqarfimmik naleqquttumik qinnuteqarluni, init inoqutigiit amerlassusaannit amerlanerunngippata, ineqarnermut tapiissutissaq qaammatit 24-t angullugit attatiinneqarsinnaavoq.

Uppersaasat piumasaqaataasoq pisup aallartinneraniit qaammatit arfinillit qaangiutsinnagit nassinneqareersimanngippat, ineqarnermut tapiissut qaammatit arfinillit piffissaliussap qaangiunnerini nammineq atoorunnaassaaq.

Attartortup ineqarnermut tapiisutit kingumut pigeqqilersinnaavai aatsaat attartortup uppersaasat piumasaqaataasoq nassiuppagu.

Ineqarnermut tapiisutit kingumut atuutilersumik aningaasanngorlugit tunniunneqarsinnaanngillat. Attartortoq ineqarnermut tapiissutinik pisinnaalissaaq ulloq

taanna kommunip uppersaat piumasarineqartoq tiguppagu. Attartortoq piffimmi akunnermiliuttumi pisup qaammatini arfinilinni qaangiunnerata kingorna ineqarnermut tapiissutinik pisinnaatitaanngilaq aamma kommunalbestyrelsip piumasarineqartup uppersaatip tiguussaata tungaanut.

Attartortup qaammatit 24-t saniatigut ineqarnermut tapiissutisiassaqaanngilaq inuttut nalaataqarnerup kingorna stk. 3 naapertorlugu, ineqarnermut tapiissutit piffissap ilaa atorunnaarpata attartortup uppersaat piumasaqaataasoq kommunalbestyrelsimut nassiutinngimmagu.

§ 3, stk. 4 naapertorlugu. Najugaqarfimmik atuisoq ini neqeroorutaasoq tigujuanngippagit, najugaqarfimmi init inoqtigiinnilu amerlassutsit piumasaqaataasut imminut naapertuuppata, stk. 1 atuutilissaaq stk. 3 apequtaatinnagu piffissami atorneqarnissaanut itigartitsineq aallarnerfigalugu, taamaattorli siusinnerpaamik qaammatit arfinillit qaangiunnerini inuttut pisut pereernerisa kingorna.

Taamaalilluni attartortup najugaqarnermut neqeroorut tigussallugu pisussaaffigaa, piumasaqaatit najugaqartut amerlassusaa inillu amerlassusissaanik piumasaqaat naammassineqarmat, attartortup ineqarnermut tapiissutissaq annaassavaa stk. 3 naapertorlugu.

Najugaqarfimmik neqeroorut najugaqarfimmi init amerlassusaat inoqtigiit amerlassusaannut naammaginartumik imminnut naapertuutinngippata, - assersuutigalugu anaanaasoq pingasunik meeralik ataatsimik initalimmik inissamik neqeroofigineqarpat -, taava ineqarnermut tapiissutinik pisinnaatitaanera qaammatini 24-ni atorunnaarsinneqasinnaanngilaq.

2.4. Isertitat pillugit paasissutissat

Inoqtigiit tamarmiusumik maannakkut isertitaat Pisortat Ataatsimoorlutik Aaqqissuussillutik Tunngavianni kiffartuussivinni aamma Kommunit aqutsineranni winformatikumut ikkunneqarsimapput.

Ineqarnermut tapiiffigineqarnissamut akuerineqarnermi aamma ineqarnermut tapiissutaareersuni tunngaviusuni annertuunik allanngortoqarnerani inoqtigiit maannakkut tamarmiusumik isertitassaattut ilimagisat naatsorsuinermut tunngavigineqassapput.

Maannakkut ukiumut tamarmiusumik isertitanik aamma maannakkut tamarmiusumik isertitassatut ilimagisanik naatsorsuineq immikkoortoq 2.5-imit takuneqarsinnaavoq.

2.5. Maannakkut isertitanik tamarmiusunik naatsorsuineq

Ineqarnermut tapiissutit pillugit Inatsisartut inatsisaanni inoqtigiit maannakkut ukiumut isertitaat tamarmiusut atorneqarput.

Ukiuortoqumik maannakkut isertitat tamarmiusut naatsorsorneqartarput isertitat A-t aamma isertitat B-t katinnerisut piffissaq qinnuteqarfiususaaq sioqqullugu qaammatinut kingullernut aqqaneq marlunnut qaqugukkulluunniit atuuttut akileraartarnikkut nalinginnaasumik ilanngaait ilanngaatigalugit.

§ 5, imm. 1, imm. 2 naapertorlugu ineqarnermut tapiissutit kisinnginnerini utoqqalinersiallit massakkut isertitaminnit kr. 4.100-nik ilanngaavigneqassapput.

Akilerartarnikkut nalinginnaasumik 2016-mut ilanngaatit inummut ataatsimut 10.000,00 kr.-nik annertussuseqarput, isertitanit ilanngaatigineqarsinnaasut. Maannakkut isertitaasulli norlumit anginerussapput.

Ukiuimoortumik maannakkut isertitani tamarmiusuni isertitat akileraarutaasussaangitsut ilanngunneqarneq ajorput. Isertitat suut akileraarutaassannginnerinut akilerartarnikkut inatsit qaqugukkulluunniit atuuttoq tunngaviuvoq.

Taamaattorli Dansk Internationalt Skibsregisterimi imaluunniit Akilerartarnermut Aqutsisoqarfiup ilanngaateqareerluni akissarsianik nalunaarsuiffiani nalunaarsorneqarsimasuni umiarsuarmi suliffeqarnermi akissarsiatut isertitarineqartut ilanngunneqassapput. Taamatut isertitat ilanngaateqareerluni aningaasartai aamma aningaasanut tamarmiusunut allanngortinnagit ilanngunneqassapput.

Inunnut, piffissami qinnuteqarfiusumi imaluunniit taanna sioqqullugu namminersorlutik suliffeqarfiuteqarsimasut imaluunniit ingerlatsisimasut qaammatinut kingullernut aqqaneq marlunnut namminersorluni suliffeqarfimmut immikkut naatsorsuusiornissaq pisariaqarsinnaavoq. Suliffeqarfik namminersortoq atorunnaarsimappat isertitassatut B-tut ilimagisaq 0,00 kr.-nik annertussuseqassaaq.

Ineqarnermut tapiiffigineqartalernermi aamma maannakkut isertitani annertuumik allanngortoqarnerata malitsigisaanik naatsorsueqqinnermi ukiumut maannakkut isertitassatut naatsorsuutigineqartut tunngavigalugit ineqarnermut tapissutit naatsorsorneqassapput.

Inoqutigiit maannakkut isertitaasa allanngorneri 4. aamma maannakkut isertitassatut ilimagisat naatsorsorneri pillugit immikkoortoq aamma takujuk.

2.6. *Inissiaq taassumalu aaqqissugaanera*

Ineqarnermut tapiissutit aningaasartaannut qulaani allanneqartut saniatigut attartukkap aaqqissugaanera apeqquataasarpoq.

Ineqarnermut tapiissutit inissiamik attartornermut tapiissutaapput. Inissiami paasineqarpoq sumiiffik attartornermi isumaqatigiisummi attartortumut najugaqarnissamut pisinnaatitaatitsisoq. Ineqarnermut tapiissutit ukiumut annerpaaffiat 60.000 kr.-iuvoq aamma inissianut ininik ataasiakkaanik attartornertut isigineqanngitsunut tapiissutaallutik. Ineeqqamik ataatsimik attartornermut ineqarnermut tapiissutit ukiumut 18.000 kr.-nik annerpaamik annertussuseqarput.

Inissiaq ineeqqatut ataatsit isigineqarnissaanut aalajangersimasumik naliliinermik tunngaveqarpoq.

Attartornissamut isumaqatigiisut inissiaqarfiusup anginerusup ilaanik annikitsumut attartortup najugaqarnissamut pisinnaatitaaffiliinersoq aallaaviatigut pingaartinneqarpoq. Assersuutigalugu inissiami imaluunniit illumi anginerusumi ineeqqamik attartorneq.

Aammattaaq attartortoq namminerisaminik uffarfeqarnerseq/igaffeqarnerseq imaluunniit attartortunik allanik aveqateqarnerseq pingaartinneqarpoq. Assersuutigalugu inissiani illusimaffiusuni ineeqqamik attartorneq igaffimmut uffarfimmullu ataatsimoorussamut atuiffiusinnaasoq.

3. Qinnuteqaatip suliarineqarnera

3.1. *Ukununnga ineqarnermut tapiissuteqartoqassaaq*

Pisortat namminersortullu inissiaataanni attartortittakkani attartortut:

- 1) Naalackersuisunit imaluunniit kommuninit pigineqartuni imaluunniit aqunneqartuni illuni attartorneq.
- 2) Illuni namminersortunit pigineqartuni attartorneq. Tassani pineqarpoq attartortitsisunit namminersortunit aqunneqartut attartornerit.

Ineqarnermut tapiisoqassappat inissianik attartorneq pillugu Inatsisartut peqqussutaannut ilaasoq inissiaq attartorneqartartoq pineqassaaq. Inissianik attartorneq pillugu Inatsisartut peqqussutaanni nassuiarneqartumik ineqarnermut akiliut akilerneqartassaaq, taanna naleqqiullugu ineqarnermut tapiissutit naatsorsorneqarsinnaallutik.

Ineqarnermut tapiissutit inoqutigiinnut inissiami attartortakkami najugaqartunut, inissianik attartortarneq pillugu Inatsisartut peqqussutaannut ilaasunut akilerneqassapput, tak. § 1.

3.2. *Ukununnga ineqarnermut tapiissuteqarneq ajorpoq*

Attartorneq pillugu peqqussummut ilaanngitsoq inissiaq pineqarpat ineqarnermut tapiisoqassanngilaq.

Attartornermut peqqussut attartornermi pissutsit arlallit ilaatinneqanngillat tassunga ilanngullugit inissiat, Namminersorlutik Oqartussanit kommuninillu ilinniarnermut atatillugu ilinniagaqartunut atugassinneqartut (ilinniagaqartunut inissiat). Attartornermut peqqussummi § 3 aamma 4-mut innersuussisoqarpoq.

3.3. *Isertitani killiliussat, tunniunneqartartut annerpaaffissaat minnerpaaffissaalu, nammineq akiliutissaq ikilisikkiartorneqarnerilu.*

Isertitat qaffakkiartortillugit ineqarnermut tapiissut ingerlaavartumik ikilisinneqartassapput ilanngussaq naapertorlugu. Ineqarnermut tapiissutinik tigusaqartartup meerartaqanngitsup illumut akiliutaasup 95 pct.-ii minnerpaamik nammineq akiligassaraa, tigusaqartartunut meerartalinnut 98 pct.-iulluni. Ineqarnermut tapiissutit ikilisikkiartorneqarnerat isertitat maannamut pigineqartut aallartiffineqassapput 60.000 koruuniniit meerartaqanngitsunut aamma meerartalinnut tigusaqartartunut 25.000 koruuniniit aallartilluni.

Ikilisikkiartuaarineq minnerpaamillu akiliiffissaq	Inoqutigiit meerartaqanngitsut	Inoqutigiit meerartallit
Akiliutit minnerpaaffissaa pct-nngorlugu	95	98
Ikilisikkiartuaarineq koruuninngorlugu	60.000	25.000
Ikilisikkiartuaarineq	0,7	0.25

Amerlassusilerneqarneri kisitsisitaat qaqugumulluunniit atuuttoq Akit pillugit nalunaarusiaq inunnik isumaginninnermi pisortatigut tunniunneqartartut naapertorlugu malissavaat.

3.4. Ineqarnermut tapiissutit naatsorsorneqarneri

Ineqarnermut tapiissutit ineqarnermut akiliummut tapiissutaapput, tak. § 4.

Tamanna isumaqarpoq atuinermut aningaasartuutit, assersuutigalugu innaallagissamut, kiassarnermut, imermut il.il. ineqarnermut tapiissutit naatsorsornerinut **ilaatinneqassanngitsut.**

Ineqarnermut tapiissutissaq naatsorsorlugu nassaarineqassaaq tapiissutissap procentinngorneratigut.

Tapiissutissaq procentinngorlugu, inoqutigiinni isertitat aallaavigalugit procentinngorlugu aalajangersarneqassaaq, inoqutigiit meeraqarnersut najugaqarnersut najugarlu pequtilersugaanersoq.

Tapiissutissap procentinngortinnissaa ima aalajangersarneqassaaq:

Tapiissutissaq procentinngorlugu: $Nammineq\ akiligassap\ minnerpaaffia - (ikilisaaneq \times ((isertitat - ilanngaatt) / 1000))$

Assersuut, inoqutigiit meerartaqanngitsut tapiissutinik procentinngorlugu naatsorsuunneqarneri:

Maannamut isertitat: 160.000

Nammineq akiliutissaq minnerpaaffiani: 95%

Ineqarnermut akiliut: 48.000 kr. ukiumoortoq.

Tapiissutissaq procentinngorlugu: $95 - (0,7 \times ((160.000\ kr. - 60.000\ kr.) / 1000)) = 25$

Ineqarnermut tapiissutit: $48.000\ kr. \times 25\% = 12.000\ kr. ukiumoortoq$

Assersuut, inoqutigiit marlunnik meerartallit tapiissutinik procentinngorlugu naatsorsuunneqarneri:

Maannamut isertitat: 220.000

Nammineq akiliutissaq minnerpaaffiani: 98%

Ineqarnermut akiliut: 78.000 ukiumoortoq.

Tapiissutissaq procentinngorlugu: $98 - (0,25 \times ((220.000 \text{ kr.} - 25.000 \text{ kr.})/1000)) = 49,2$

Ineqarnermut tapiissutit: $78.000 \times 49,2\% = 38.376 \text{ kr. ukiumoortoq.}$

Inoqutigiit killiffiat allannguuteqarpat, meeraqanngitsuniit meerartaqalerlutik imaluunniit meerartallit meerartaqarunnaarlutik tapiissut procentiusoq allannguuteqassaaq, qaammatip aallartinneraniit.

Ineqarnermut tapiissut annerpaamik tunniunneqartartumit annerulerpat - imaluunniit kr. 60.000 ukiumut / kr. 5.000 qaammammut - tunniunneqartartoq annerpaaffiatut amerlatigisunut aalajangiunneqassaaq.

Ineqarnermut tapiissut annerpaamik tunniunneqartartumit annerulerpat ataatsimik initalinnut - imaluunniit kr. 18.000 ukiumut / kr. 1.500 qaammammut - tunniunneqartartoq annerpaaffiatut amerlatigisunut aalajangiunneqassaaq.

Ineqarnermut tapiissut tunniunneqartartumit minnerpaamit minneruppat - imaluunniit kr. 1.200 ukiumut / kr. 100 qaammammut – ineqarnermut tapiissut tunniunneqarsinnaangilaq.

Ineqarnermut tapiissutinik pisinnaatitaaneq ukioq ataatsimik sivikinnerusumi ineqarnermut tapiissutit kisitsisit atorneqartut naleqqiussinerinnaapput.

3.5 Akiliineq

Ineqarnermut tapiissutit qinnuteqaatip tunniunneraniit qaammatip aallaqqaataaniit aamma piumasaqaatit naammassineqarneriniit sunniuteqalissaaq, tak. § 12, imm. 1.

Ineqarnermut tapiissutit attartortitsisumut tunniunneqassapput, tak. § 11, imm. 3. Attartortitsisup tapiissutit ineqarnermut akiliummit ilanngaaticissavai.

3.6. Qinnuteqartumut nalunaaruteqarneq

Ineqarnermut tapiissutinut tunngatillugu kommunalbestyrelsip aalajangiinera allakkatigut qinnuteqartumut nalunaarutigineqassaaq.

Itigartitsineq pillugu nalunaarut tunngavilersuummik aamma inatsisini maleruagassanut atorneqartunut aamma allaffissornikkut aalajangersarneqartunut aalajangersakkanut innersuussinermik imaqassaaq, soorlu aamma aalajangiineq suliassanik suliarinninnermi inatsimmi aalajangersarneqartunik piumasaqaatinik naammassinnissalluni.

Itigartitsineq pillugu nalunaarut naammagittaalliuuteqarsinnaaneq pillugu ilitsersuummik ilaqartinneqassaaq.

Ineqarnermut tapiissuteqartitsinermi, ineqarnermut tapiissutinut tunngavigineqartunut annertuumik allanngortoqarnerani, kommunimut nalunaaruteqarnissamut pisussaaffeqarneq pillugu qinnuteqartoq ilisimatinneqassaaq.

3.7. Naammagittaalliuuteqarsinnaaneq

Kommunalbestyrelsen aalajangigai isumaginnittoqarfiup aqunneqarnera aaqqissuussaanelu pillugu inatsisartut peqqussutaanni maleruagassat naapertorlugit Isumaginninnermi Naammagittaallioortarfimmut naammagittaalliuutiginneqarsinnaapput, tak. § 16.

Isumaginnittoqarfiup aqunneqarnera aaqqissuussaanelu pillugu inatsisartut peqqussutaat nr. 11, 12. november 2001-imeersumi § 8-mi aalajangerneqarpoq suliani isumaginninnermi maleruagassat naapertorlugit kommunalbestyrelsen aalajangiiffigisimasai aalajangiinerup tiguneqarneraniit sapaatit akunneri sisamat qaangiutsinnagit Isumaginninnermi Naammagittaallioortarfimmut naammagittaalliuutiginneqarsinnaapput

Isumaginninnermi Naammagittaallioortarfimmut naammagittaalliuutiginneqarsinnaaneq pillugu paasisutissat annertunerusut immikkoortoq 9-mi takuneqarsinnaapput.

3.8. Attartortitsisumut nalunaarut

Ineqarnermut tapiissutit akuersissutigineqartut annertussusaat kiisalu piffissaq aningaasaliiffiusoq allakkatigut attartortitsisumut nalunaarutigineqassaaq. Ukiup ineqarnermut tapiiffiusup ingerlanerani allanngortoqarpat tamanna aamma allakkatigut nalunaarutigineqassaaq.

4. Inoqutigiit maannakkut isertitaanni allanngortoqarnera

Inoqutigiit maannakkut isertitaanni tamarmiusuni allanngortoqarnera isumaqarsinnaavoq ineqarnermut tapiissutit aningaasartai tunniunneqartartut eqqortuujunnaartut. Taamaallilluni akissarsiat apparneranni aningaasat qummut iluarsineqarsinnaapput, imaluunniit inoqutigiit isertitaasa qaffanneri pissutigalugit ineqarnermut tapiissutit aningaasartai ikilisinneqarlutik.

Aamma inoqutigiit katitigaaneranni ataavartumik ikilisoqarneratigut inoqutigiit isertitaat allanngorsinnaapput, akissarsianik isertitaniit utoqqalinersiaqalernerumut assigisaanilluunniit, toqusoqarnera, sivilisunerumik ilinniagaqalernerup aallartinneqarnera imaluunniit avittoqarnera pissutigalugu.

Pissutsini taakkunani annertuumik allanngortoqartillugu ineqarnermut tapiissutit aningaasartai pissutsit atuuttut tunuliaqutarlugit naatsorsoqqinneqassapput. Tassani § 5, imm. 2 malinneqarpoq. Tamanna atuuppoq inoqutigiinni isertitat qaffannerisa imaluunniit apparnerisa malitsigisaannik allanngortoqarnera apeqquaatinnagu.

Maannakkut ukiumoortumik isertitassatut ilimagisat naatsorsornerinut tunngavigineqarsimasut atorunnaarpata imaluunniit annertuumik allanngorsimappata,

taamaalilluni aningaasaqarnikkut pissutsit annertuumik allangorneranni naatsorsueqqittoqassaaq.

Naatsorsueqqinnermi atugassanik, ineqarnermut tapiissutit aningaasartaanik naatsorsueqqinnermi tunngavineqartussanik inuttut aningaasaqarnikkullu pissutsini allangortoqarneranut uppersaatinik peqassaaq. Annertuumik allangortoqarnerata malitsigisaanik ineqarnermut tapiissutinik naatsorsueqqinneq maannakkut isertitassatut ilimagisat tamarmiusut tunngavilugit pissaaq aamma ukiumi ineqarnermut tapiiffiusup sinneranut atuutilersumik.

Pisartagaqartut inatsimmi § 6. imm. 2 malillugu ineqarnermut tapiissutisinnissamut pisinnaatitaaffimmut pingaaruteqartumik allangortoqarnera pillugu kommunimut nalunaaruteqarnissamut pisussaaffeqarput.

5. Akiliinernik nakkutilliineq

Attartortitsisumut tapiissutit tunniunneqannginnerini aningaasaliissutit ataasiakkaat kommunimit nakkutigineqassapput. Aningaasaliissutit kiisalu akiliinerit suliani ataasiakkaani takuneqarsinnaassapput, misissorneqarsinnaassallutillu.

Kommunalbestyrelsi ineqarnermut tapiissutit pillugit inatsimmi ineqarnermut tapiissutit tunniunneqartarnerannik nakkutilliinissamut pisussaaffeqarpoq. Tassani § 7 malinneqarpoq.

Ineqarnermut tapiissutit tamatumunnga pisinnaatitaaffeqanngitsunut tunniunneqartannginnissaanik nakkutilliineq qulakkeereqataassaaq.

Inatsimmi § 7-imi erseqqissarneqarpoq ineqarnermut tapiissutinik tunniussisarnernik ingerlaavartumik nakkutilliinissamut kommunalbestyrelsi pisussaaffeqartoq, tassunga ilanngullugu aningaasat annertussusaat pisinnaatitaaffillu pillugit nalornisoqarsinnaaneranut paasissutissanut nutaanut isummersorneq. Ingerlaavartumik nakkutilliinerit imaluunniit paasissutissat nutaat tunuliaqutaralugit tunngavissinneqartunit annertunerusunik aningaasanik tunniussisoqarsimaneranik kommunalbestyrelsi pasitsaassaqarpat ineqarnermut tapiissutit tunniunneqarsimasut iluarsineqassanersut misissorneqarnissaat siunertaralugu aqqiissutissanik kommunalbestyrelsi pilersitsissaaq.

Aalajangersakkap isumaginninnermi tapiissutinik tunniussisarnernik nakkutilliinissamut kommunit pisussaaffeqarnerat erseqqissarpaa. Aalajangersakkami eqqarsaatigineqanngilaq akiliinernik ataasiakkaanik tamanik kommunit nakkutiginneqqissaassasut. Akerlianilli isumaginninnermi tapiissutinik ingerlaavartumik nakkutilliinissamut nalinginnaasumik pisussaaffittut eqqarsaatigineqarluni, tassunga ilanngullugu ineqarnermut tapiissutit.

6. Ineqarnermut tapiissutit atorunnaarnerat

Ineqarnermut tapiissutinik pisartagaqarnissamut piumasaqaatit naammassineqarunnaarpata ineqarnermut tapiissutit atorunnaassapput. Tassani § 14, imm. 1 malinneqarpoq.

Inissiamut allamut nuunnermi ineqarnermut tapiissutit atorunnaassapput. Qinnuteqartoq taamaattumik ineqarnermut tapiissutit pillugit nutaamik qinnuteqaammik tunniussissaaq. Tassani § 14, imm. 2 malinneqarpoq.

7. Utertitsilluni akiliineq

Ineqarnermut tapiissutisartup paasissutissiinissaminut pisussaaffini qaangiinnarsimappagu ineqarnermut tapiissutit utertillugit akilerneqarnissaat pillugit kommunalbestyrelsi aalajangiisinnaavoq, tak. ineqarnermut tapiissutit pillugit inatsimmi § 13.

Utertitsilluni akiliinissaq pillugu aalajangiineq pisortat ingerlatsineranni suliassat suliarineqartarnerat pillugu Inatsisartut inatsisaannut ilaavoq. Aalajangiisoqartinnagu ineqarnermut tapiissutininik pisartagaqartoq tusarniaaffigineqassaaq. Utertitsilluni akiliinissaq pillugu aalajangiineq suliame paasissutissiinermut, tunngavilersuummut aamma naammagittaalliuteqarnissamut ilitsersuummut piumasaqaatinik naammassinnissaaq.

Ineqarnermut tapiissutit pillugit inatsimmi § 13 malillugu utertitsilluni akiliinissamut piumasaqaammik piumasarineqarpoq ineqarnermut tapiissutininik pisartagaqarsimasoq ineqarnermut tapiissutininik imaluunniit aningaasanik annertuallaanik pisartagaqarnissaanut pisinnaatitaaffeqannginnera kommunalbestyrelsimit uppersarneqassaaq.

Utertitsilluni akiliinissamut piumasaqaatit tulliullugu piumasarivaa ineqarnermut tapiissutininik pisartagaqartoq nalunngikkaluarlugu ineqarnermut tapiissutininik imaluunniit ineqarnermut tapiissutiniit aningaasanik annertuallaanik pisartagaqarsimasoq.

Utertitsilluni akiliinissamut piumasaqaatit aamma piumasarivaa paasissutissiinissamut pisussaaffiup qaangiinnarnerata aamma ineqarnermut tapiissutininik kukkusumik tunniussinerup akornanni pissutaasunik atassuteqartoq.

Paasissutissiinissamut pisussaaffiup eqqortinneqanngissimanerata sunnuteqalernissaanut tunngaviuvoq ineqarnermut tapiissutininik pisartagaqartup pissutsit suut paasissutissiisutigissanerai pillugit sukumiisumik ilitsersuunneqarsimanissaa aamma paasissutissiinissamut pisussaaffimmik qaangiineq utertitsilluni akiliisoqarnissaanik piumasaqaammik kinguneqarsinnaanera pillugu ilisimatinneqarsimanissaa.

Ineqarnermut tapiissutininik pisartagaqartoq ineqarnermut tapiissutit pillugit aalajangiinermut pingaaruteqartunik pissutsini allanngorerit pillugit paasissutissiinissamut pisussaaffeqarpoq. Ineqarnermut tapiissutininik tunniussineq pillugu aalajangiinermut atasumik kommunalbestyrelsip peqatigisaanik ineqarnermut tapiissutit pillugit aalajangiinermut ilaasuni pissutsini allanngortoqarnerani imaluunniit kukkusoqarnerani paasissutissiinissamut pisussaaffeqarneq pillugu pisartagaqartumut nalunaaruteqarnissaa. Peqatigisaanik ilisimatitsissutigineqassaaq paasissutissiinissamut pisussaaffimmik qaangiineq utertitsilluni akiliisoqarnissaa pillugu piumasaqarnermik kinguneqarsinnaasoq.

Pisartagaqartup akisussaaffia paasissutissiinissamut pisussaaffimmut atavooq, tassa imaappooq qinnuteqaammut atatillugu suliami paasissutissiinissamut peqataanissamut pisussaaffeqarneq aamma assersuutigalugu inoqutigiit angissusianni allanngortoqarnera, meeqqat angerlarsimaffimmiit nuunneri, isertitani pissutsit allanngorneri imaluunniit ineeqqamut attartortitsineq pillugu kommunalbestyrelsimit paasissutissiinissamut ingerlaavartumik nammineerluni pisussaaffeqarneq. Pissutsit taakku pillugit innuttaasoq kommunalbestyrelsimut paasissutissiinngippat pissutissaqarnani tapiissutinik pisartagaqarsimassaaq.

Pisartagaqartup paasissutissiinissamut pisussaaffini naammassisimangikkaa kinaassusersiornerunngitsumik paasineqarpat taamaalillunilu pisinnaatitaaffeqarnani ineqarnermut tapiissutinik pisartagaqarsimalluni pisartagaqartoq ineqarnermut tapiissutinik nalunngikkaluarlugu taamaattussaananani pisartagaqarsimanersoq kommunalbestyrelsi naliliisariaqassaaq. Kommunalbestyrelsi paasissutissanik attuumassuteqartunik ilisimasaqarpat paasissutissiinissamut pisussaaffimmik naammassinninnerup kingunerissagaa ineqarnermut tapiissutinik pisartagaqarunnaarnissani imaluunniit annikinnerusunik ineqarnermut tapiissutinik pisartagaqartussaalluni pisartagaqartup ilisimaarilluarpagu nalunngikkaluarsimassavaa. Tassa imaappooq ineqarnermut tapiissutinut pisinnaatitaaffimmut aalajangiisumik sunnuteqartussaasunik paasissutissanik uninngatitsiinnarnissaaq pineqartup siunertarisimavaa.

Aamma ineqarnermut tapiissutinik pisartagaqartoq piaarinani paasissutissiimangippat, paasissutissiinnginneq sissuinnginnermik imaluunniit puigornermik pissuteqarpat, utertitsilluni akiliisoqarnissaa pillugu piimasaqaateqartoqarsinnaavoq. Naliliinermi tassani pissuseq pillugu ineqarnermut tapiissutinik pisartagaqartoq assuarineqarsinnaanersoq, naatsorsuutigisamiit allaanerusunik iliuseqartoqarsimasinnaanersoq imaluunniit pisartagaqartumiit piimasarineqarsimasinnaanersoq misissorneqassaaq. Naliliinermi tassani nalinginnaasumik ineqarnermut tapiissutinik qinnuteqartup paasissutissiinissaannik piimasaqaateqartarnermik tunngaveqassaaq. Qinnuteqartumi pissutsit immikkoortoq tassani naliliinermi sunnuteqarsinnaapput.

Ineqarnermut tapiissutit nalunngikkaluarlugu imaluunniit ajortumik isumaqarluni tiguneqartarsimanerannut kommunalbestyrelsi uppernarsaasussaavoq. Tassunga atatillugu ajortumik isumaqarnermut ilaapput paasissutissiinissamut pisussaaffimmik naammassinninnerup kingunerissagaa ineqarnermut tapiissutit atorunnaarsinneqarnerannik imaluunniit appartinneqarnerannik kinguneqarnissaat pillugu ilisimasaqarneq pisunilu ingasannerusunni piaarluni ilisimasaqannginneq. Akerlianilli ajortumik isumaqarneq qaqutigooortumik annikitsumik mianersuaalliornerusinnaavoq.

Utertitsilluni akiliisoqarnissaannik piimasaqaateqarnissamut kommunalbestyrelsi piimasaqaateqartoqarsinnaasoq naliliippat aamma piimasaqaateqarnissamut pisussaaffeqarpoq.

Utertitsilluni akiliisoqarnissaannik piimasaqaammut taamaallaat ineqarnermut tapiissutit ilai nalunngikkaluarlugu pisussaaffiginagit tiguneqarsimasutut isigineqartut. Aningaasat qanoq annertutigisut qanorlu amerlanaarluni aningaasanik tunniussineq pisimanersoq aamma kukkusumik naatsorsuinerumut suna pisuussutaasimanersoq

kommunalbestyrelsip taamaattumik qulaajassavaa. Amerlanertigut pisuussutaasartut tassaasarput isertitat allanngorneri, inooqatigiinnerit allanngornerit, nuunnerit il.il.

Pisortat ingerlatsiviini nalinginnaasumik sulianik suliarinninnermi maleruagassat eqqortillugit ineqarnermut tapiissutit pillugit suliani pitsaasumik piareersaaneq taamaalilluni suliami uppersaatiit tunngavigalugit utertitsilluni akiliisoqarnissaanik piunasaqaatip naammassineqarnissaanut piunasaqataavoq assersuutigalugu paasissutissiinissamut pisussaaffik pillugu ilisimatitsisoqarsimalluni, pisariaqartumik peqataasumik tusarniaasoqarsimalluni, ineqarnermut tapiissutit atorunnaarsinnerinut naammattumik tunngavilersuutit tunniunneqarsimallutik il.il.

§ 13, imm. 2 naapertorlugu. Ineqarnermut tapiissutit utertillugit akilernerqarnissaat pillugu piunasaqaat kommunalbestyrelsimit saqqummiunneqarlunilu naammassineqassaaq aamma kommunalbestyrelsi akiliisitsiniassalluni. Ineqarnermut tapiissutinik utertitsilluni akiliinissamut piunasaqaat pisortanut akiitsunik akiliisitsiniarneq pitsaaliunissarlugu pillugu inatsisartut inatsisaannut ilaanngilaq, kisianni tamanna pillugu maleruagassat naapertorlugit akilersinniarnaqarlutik.

8. Ukioq ineqarnermut tapiiffiusoq

§ 9 naapertorlugu. Ineqarnermut tapiissutit ukioq malippaa januaarip aallaqqaataaniit decembarip 31-anut, inissiaq attartugaq inissiaqarfimmu atassuteqanngippat.

Inissiani attartukkani ineqarnermut tapiissutit ukiup naatsorsuusiorfusup naanerani aamma ineqarnermut akiliutit allanngornerini naleqqussarneqartarput. Inissiaq attartugaq inissiaqarfimmu atassuteqarpat ukiup ineqarnermut tapiiffiusup inissiaqarfiup ukioq naatsorsuusiorfia malissavaa.

9. Naammagittaalliuuteqarneq aamma sulianik suliarinninnermi inatsisitigut maleruagassat

Ineqarnermut tapiissutit pillugit inatsimmi aqutsineq pisortat ingerlatsineranni suliassat suliarineqartarnerat pillugu Inatsisartut inatsisaat, pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat kiisalu nalinginnaasumik ingerlatsineranni inatsisitigut tunngaviit aamma pitsaasumik ingerlatsineranni ileqqut naapertorlugit pissaaq.

Pisortat ingerlatsineranni suliassat suliarineqartarnerat pillugu inatsit aamma pisortat ingerlatsinerat pillugu paasitinneqarsinnaatitaaneq pillugu inatsit www.inatsisit.gl-imi nassaarineqarsinnaapput

Qitiusumik ingerlatsineranni inatsisitigut maleruagassat tunngaviillu ataaniittumi naatsumik issuarneqarput.

9.1. Naammagittaalliuuteqarneq

Pitsaasumik ingerlatsineranni ileqqoq malillugu kommunip aalajangiinera qinnuteqartumut allakkatigut nalunaarutigineqassaaq. Aalajangiineq tunngavilersuummik imaqassaaq kiisalu inatsisitigut maleruagassanut attuumassuteqartunut innersuussissalluni, aalajangiinermi qinnuteqartoq tamakkiisumik tapersorsorneqanngippat.

Allakkatigut aalajangiinerit, oqartussanut allanut naammagittaalliuutigineqarsinnaasut, aamma naammagittaalliorfissaq, suleriaaseq kiisalu piffissaliussa pillugu paasissutissat pillugit paasissutissaqartumik naammagittaalliuuteqarnissamut ilitsersuummik imaqaassapput. Tamannali aalajangiinermi innuttaasoq tamakkiisumik tapersorneqartillugu atuutinngilaq.

Ineqarnermut tapiissutit pillugit inatsit malillugu aalajangiinerit isumaginnittoqarfimmi aqutsineq pillugu Inatsisartut peqqussutaanni maleruagassat malillugit Isumaginninnermi Naammagittaalliorfimmuut naammagittaalliuutigineqarsinnaapput.

Aalajangiineq kommunalbestyrelsimi, kommunimi ataatsimiititaliamit imaluunniit nunaqarfimmi aqutsisunit aalajangiiffigineqartoq Isumaginninnermi Naammagittaalliorfimmuut, Postboks 689, 3900 Nuummur, aalajangiinerup tigungeraniit naatsorsorneqartumik sapaatit akunneri sisamat piffissaralugit naammagittaalliuutigineqarsinnaavoq.

9.2. Aalajangiinissaq sioqqullugu suliami paasissutissiineq

9.2.1. Aallaqqaasiut

Kommuni pisortat ingerlatsineranni suliassat suliarineqartarnerat pillugu inatsimmi aalajangiinertut iluseqartumik aalajangiitillugu suliami paasissutissiineq, peqataasumik tusarniaaneq, tunngavilersuineq il.il. pillugit maleruagassat malinneqassapput, tak. ataaniittoq.

9.2.2. Peqataasut pillugit taaguut

Ineqarnermut tapiissutit pillugit qinnuteqartoq suliami peqataasuvoq. Kiisalu nalinginnaasumik atuulluni inuk kinaluunniit, toqqaannartumik, annertuumik, suliami aalajangersimasumi inuttut inatsisitigullu soqutigisaqartoq peqataasarnera.

9.2.3. Suliamik paasissutissiinissaq/ilisimatitsinissamut pisussaaffik

Suliap naammaginantumik paasissutissiissutigineqarsimanerata qulakkeerneqarnissaanut kommuni pisussaaffeqarpoq, tassa imaappoq eqqortumik aalajangiisoqarnissaanut pisariaqartunik tunngaveqassasoq.

Suliami aalajangiinermut pingaaruteqartut suliami piviusumik pissutsinut tunngasut paasissutissat tamarmik, aamma oqaasiinnakkut kommunimut nalunaarutigineqartut, allanneqassapput, tak. pisortat ingerlatsinerat pillugu paasitinneqarsinnaatitaaneq pillugu inatsisartut inatsisaanni § 6.

9.2.4. Suliamik kinguartitsineq

Suliap suliarineqarnerani peqataasoq suliami allagaatit pillugit paasitinneqarnissamik qinnuteqarpat, taannalu pisortat ingerlatsineranni suliassat suliarineqartarnerat pillugu inatsisartut inatsisaat malillugu peqataasutut paasisaqarnissaq pillugu maleruagassat malillugit qinnuteqarnera akuerineqassappat, peqataasup suliami allagaatinik ilisimasaqalernissaanut periarfissaqalernissaata tungaanut kommunip aallaaviatigut suliami aalajangiinissaq kinguartissavaa, tak. suliamik suliarinninnermi inatsimmi § 11.

Tamatuma saniatigut suliami peqataasoq, suliap suliarineqarnerani piffissami qaqugukkulluunniit peqataasup suliami oqaaseqarnissaata tungaanut suliap kinguartinneqarnissaa piumasarisinnaavaa. Taamatut oqaaseqarnissamut piffissami

kommuni aalajangiisinnaavoq. Tassani sulianik suliarinninnermi inatsimmi § 21 malinneqarpoq.

9.2.5. Peqataasunik tusarniaaneq

Peqataasumut iluaqutaasinnaangitsunik suliamut annertuumik pingaaruteqartunut pissutsinut piviusunut tunngasunik paasissutissat tamaasa pillugit peqataasumik kommuni aallaaviatigut tusarniaasussaavoq, tak. sulianik suliarinninnermi inatsimmi § 19 (peqataasunik tusarniaaneq). Taamaattorli aalajangersimasumik naliliisoqarneratigut paasissutissat ilaannik aalajangersimasumik peqataasunik tusarniaangitsoortoqarsinnaavoq.

Assersuutigalugu akileraartarnermut oqartussaneersunik isertitat A-t aamma B-t pillugit paasissutissat tunngavigalugit ineqarnermut tapiissutit naatsorsorneqarpata pisut naapertorlugit tamanna pillugu peqataasumik tusarniaanissaq pinngitsoorneqarsinnaavoq.

Peqataasumik tusarniaanissamut pisussaaffimmik kinguneqartariaqanngitsumik paasissutissanut assigiinngitsunut assersuutitut taaneqarsinnaapput aapparit inunngornerinut oqaluffimmiit paasissutissat, pineqartup inuttut inissisimanera pillugu aamma inuiaassuseq pillugu inuit nalunaarsorsimaffianniit paasissutissat, akileraartarnikkut isertitat pillugit akileraartarnermut oqartussaniit paasissutissat nalornissutaasinnaangitsut aamma paasissutissat pisortani oqartussanit pineqartumeersut ilumoortut.

Taamaattorli suliami aalajangiinissamut paasissutissat pineqartut pingaaruteqarnerannik sanngiillisitsisinnaasut paasissutissat allat pissarsiarineqarnissaannut peqataasup periarfissaqarnissaanik naliliisoqassaaq. Nalornisoqartillugu tusarniaasoqassaaq.

Suna tunngavigalugu ineqarnermut tapiissutinik naatsorsueqqittoqarsimanera pisartagaqartumut nalunaarummit tamatigut takusinnaaneqassaaq. Tusarniaasoqarsimanersoq imaluunniit tusarniaasoqannginnersoq apeqqutaatinnagu tamanna atuuppoq.

9.3. Suliami aalajangiineq

9.3.1. Suliaq aalajangiinissamut piareerpa?

Suliami aalajangiisoqartinnagu pissarsiarinissaannut *pisariaqartunik naleqquttunillu paasissutissat tamarmik* pissarsiarineqarsimanersut kommunit eqqarsaateqassaaq.

Tamatuma kingorna suliami ilaasunik ,paasissutissat pingaarutillit tamaasa pillugit, aamma peqataasumut ataatsimut arlalinnulluunniit iluaqutaasinnaangitsut pillugit tusarniaasoqarsimanersoq kommunimit eqqarsaatigineqassaaq.

9.3.2. Aalajangiinerup ilusaa

Erseqqissumik piunasaqaatigineqanngilaq aalajangiineq allakkatigut pissasoq, taamaalilluni tunngaviatigut aalajangiineq *Erseqqissumik piunasaqaatigineqanngilaq aalajangiineq allakkatigut pissasoq, taamaalilluni tunngaviatigut aalajangiineq.* Taamaattorli pitsaasumik ingerlatsinermi ileqqoq naapertorlugu aalajangiinerit aallaaviatigut allakkatigut nalunaarutigineqassapput. Taamaattumik kaammattuutigaa aalajangiinerit *tamarmik* allakkatigut nalunaarutigineqartassasut. Aalajangiineq oqaasiinnakkut nalunaarutigineqassasoq kommuni aalajangerpat qanorluunniit tamanna

pillugu ilisimatitsissummik piareersaasoqassaaq, tak. pisortat ingerlatsinerat pillugu paasitineqarsinnaatitaaneq pillugu inatsimmi § 6, aamma aalajangiinermi pineqartoq tamakkiisumik tapersersorneqanngippat innuttaasoq aalajangiinerup allakkatigut nalunaarutigineqarnissaa pillugu piumasaqarsinnaalluni, tak. sulianik suliarinninnermi inatsimmi § 23.

9.3.3. Tunngavilersuut

Innuttaasumut allakkatigut aalajangiinerit sulianik suliarinninnermi inatsimmi §§ 22 aamma 24 malillugit tamatigut tunngavilersorneqassapput, innuttaasoq tamakkiisumik tapersersorneqanngippat.

Aalajangiineq taamaalilluni aalajangiinerup malissimasaanik inatsisitigut maleruagassanik innersuussinermik tamatigut imaqassaaq. Tamatuma saniatigut aalajangiinermut *annertuumik kommunimit pingaartinneqarsimasut* pissutsit piviusut naatumik allassimassapput.

Aalajangiinernut oqaasiinnakkut nalunaarutigineqartunut atatillugu pineqartoq aamma tunngavilersuut pillugu tamatigut ilisimatinneqartariaqarpoq. Allanneqartariaqarpoq tamanna oqaasiinnakkut nalunaarutigineqarsimasoq.

9.3.4. Naammagittaalliuuteqarnissamut ilitsersuut

Allakkatigut aalajangiinermi, suliami peqataasumut tamakkiisumik tapersersuinngitsumi, kommunip aalajangiinera Isumaginninnermi Naammagittaalliorarfimmuut naammagittaalliuuteqarsinnaanera pillugu aamma ilisimatitsisoqassaaq, tak. immikkoortoq 3.6.

Aalajangiineq oqaasiinnakkut nalunaarutigineqarnera apeqqutaatinnagu naammagittaalliuuteqarnissamut ilitsersuummik tunniussisoqartariaqarpoq, aamma ilitsersuutip tunniunneqarsimanera pillugu ilisimatitsissuteqartariaqarluni.

Naammagittaalliuuteqarnissamut ilitsersuutip amigaatigineqarnerata kingunerissavaa piffissaq naammagittaalliorfiusinnaasoq aatsaat naammagittaalliorinnissamut ilitsersuutip piffissami tunniunneqarneraniit ingerlalnissaa. Naammagittaalliuuteqarnissamut ilitsersuut tunniunneqarsimappat, kisiannili piffissamik sivisuallaartumik piffissaliisoqarsimalluni, kukkuneq taanna aallaaviatigut tiguisumut iluaqutaassaaq, taamaalilluni naammagittaalliuut piffissaagallartillugu tunniunneqarsimasutut isigineqassalluni, naammagittaalliuuteqarnissamut piffissaliussaag nalunaarutigineqarsimasoq eqqortinneqarpat.